

SCRIPT OF MORNING GOJRI NEWS BULLETIN 17FEB 2025

0950HRS

مارننگ گوجری نیوز بولین 17 فوری 2025

یوہ آکاشوائی جموں بے محبوب سلطانی خبر سنو۔

PM BHARAT TEX 2025

وزیر اعظم نریندر مودی نے کیو بے جے دنیا ماحالیات تے خود مختاری بارے نظریہ نانہہ اپنا رہی بے تے بھارت اس حوالہ سنگ ابنمائی فرابم کرسکے انہاں نے کہیو جے پانیداری بمیشہ توں بھارت ٹیکسٹائل یعنی کپڑا سازی روایات گو حصو روپیو بے جن مانہہ کھادی قبانی کپرا سازی تے قدرتی رنگاں گو استعمال شامل بے گزشتہ شام بھارت منڈام نوی دلی مانہہ بھارت ٹیکس ۲ بزار ۵۲ سنگ خطاب کرتا مانہہ وزیر اعظم نے کہیو جے بھارت کی روایتی پانیداری تکنیک ہون جدید ٹیکنالوجی سنگ بہتر بورپی بے جس سنگ بنن آلا دستکاری تے اس شعبہ تو تعلق رکھن آلا لکھاں خواتین نانہہ فاندو پُچ روپیو بے۔

LG YOUTH

لیفٹینٹ گورنر منوج سنہا نے قوم کی تعمیر مانہہ نوجواناں کی شرکت کی ضرورت ور زور پایو بے پچھلے تھاڑے سانہہ مانہہ نوجواناں کی ترقی واسطے رینمانی تے کیریر مشاورتی سیل جی سی سی گا چھیواں سالانہ تھاراں کی تقریب سنگ خطاب کرتا مانہہ ایم جی موصوف نے کہیو جے جموں کشمیر گا نوجواناں نانہہ پراتو روایتی طریقو تے جدید سائنسی طریقه نانہہ استعمال کرنو چاہیے۔ انہاں نے جی سی سی گی طرفون بئر کی ترقی نوجواناں نانہہ با اختیار بنان تے ثقافتی ورثہ گا تحفظ مانہہ کردار بارے سرابنا کی اس دوران لیفٹینٹ گورنر نے تعلیم کھیڈ تے کاروبار مانہہ ترقیاتی پالسیاں گے زریعے نوجواناں نانہہ بالاختیار بنان واسطے حکومت کی کوششان نانہہ اجاگر کیو۔

CM PRE BUDGET

وزیر اعلیٰ عمر عبداللہ نے پچھلے تھاڑے سول سیکرٹریٹ جموں مانہہ جموں ضلع تو تعلق رکھن آلا عوامی نمائیندہ سنگ بجٹ تو پیلان مشاورت کی صدارت کی۔ تے بجٹ بنان گا عمل مانہہ چنیاواں عوامی نمائندہ گی شمولیت ور زور پایو انہاں نے اس گل ور زور پاتا مانہہ کیو جے بجٹ نانہہ نہ صرف دفتران مانہہ تیار کیو جانو چاہیے بلکہ اس مانہہ عوام گی منگان گی عکاسی ہونی چاہیے اس دوران ابم مسائل نانہہ اجاگر کیو گیو جنمائیہ سڑکاں گو بنیادی ٹانچو آپیاشی پین غو پانی تے منشیات گی روک تھام بارے اقدامات شامل بے اس ضمن مانہہ عوامی نمائیندہ گی طرفون بہتر صحت دیکھ بھال گا نظام تعلیم کھیڈاں گی سہولت تے سیاحت گا بادها خاطر ضرروت ور زور پایو گیو۔ اس سلسہ مانہہ عوامی نمائیندہ نے وزیر اعلیٰ گا اس مشاورت تے جامع طرز عمل ور شکریو ادا کیو تے اس گل کی امید طاير کی جے آن آلا بجٹ مانہہ ان گا مسائل نانہہ شامل کیو جے غو۔

CM GUJAR TRUST

وزیر اعلیٰ عمر عبداللہ نے پسماندہ طبقہ جن مانہہ گجر بکروال وی شامل ہیں گی فلاح و بہبود گی اہمیت نانہہ اجاگر کیو تے اس نانہہ اپنی حکومت گو فرض قرار دتو بے پچھلے روز

کجر دیش چیر ٹیبل ٹرست گی طرفوں منعقد اک تقریب سنگ خطاب کرتا مانہے انہاں نے کہیو جے جاوید اضمد رانا نانہہ بطور کابینہ وزیر چنیو اس طبقی گی نمانندگی نانہہ یقینی بنانو تھو وزیر اعلیٰ نے قبانلی یونیورسٹی گا قیام ور اعتماد غو اظپار کیو تے ٹرست نانہہ منصوبہ تیار کرن بارے وی کیو. اس دوران ڈاکٹر مسود احمد چودھری نانہہ خراج تحسین پیش کرتا مانہے انہاں نے ٹرست گا مشن واسطے حکومت گی لگاتار حمایت نانہہ وی دبرايو.

WATAN KO JANO ITOO

تعلیم غی وزیر سکینہ اتو نے معاشی طور ور کمزور طبقان تون تعلق رکھن آلا ۲ سو ۵ طلباء نانہہ وطن نانہہ جانو یوتوہ اکسچینج پروگرام گے تحت دی جے پور تے اجمیر واسطے ۲۱ تھاڑاں ور مشتمل ثقافتی دور ور روانہ کیو ہے اس دورہ گو انعقاد سماجی بہبود محکمہ تے مرکزی وزارت داخلہ گا تعاون سنگ کیو ہے جس گو مقصد دور دراز علاقان تو تعلق رکھن آلا طلباء نانہہ بھارت گا بکھہ بکھہ ثقافتی ورثہ بارے دسنو ہے وزیر موصوفہ نے حکومت گی طرفوں معیاری تعلیم گا عزم نانہہ دبرايو تے تمام طلباء کی مجموعی ترقی واسطے کم کرن گی اہمیت نانہہ اجاگر کیو. انہاں نے طلباء نانہہ اپنا تجربان نانہہ دستاویز کا عمل مانہے لیان تے اس موقعہ گو پورو فاندو چان بارے وی کیو.

FREE WATER RANA

جموں مانہے پانی گی قلت تون نمژن واسطے جموں کشمیر سرکار نے پانی گی قلت آلان علاقان واسطے مفت پانی ٹینکر خدمات گو اعلان کیو ہے جل شکتی گا وزیر جاوید احمد رانا نے اک اعلیٰ سطھی جائیزہ میٹنگ مانہے اس بارے جانکاری دتی ہے جے انہاں نے کہیو جے بچیاوان علاقان نانہہ تاولے ہی جل جیون مشن تے امرت گے تحت چل رہیا پانی گا منصوبان ور ہوئی پیش گو وی جائیزو لیو گیو جناب جاوید رانا نے بچیاوان کم کاج جن مانہے کیپیکس گے تحت ترقیاتی پروجیکٹ شامل ہیں نانہہ جلد پورو کرن بارے وی کہیو. انہاں نے جموں مانہے ٹرائیبل یعنی قبانلی بھون نانہہ بنان واسطے زمین گی پشان کرن بارے وی کیو. اس تین علاوه اس اجلاس مانہے قبانلی برادری گی مجموعی ترقی واسطے پرداہن منتری آدھی آدرس گرام یوجنا گا نفاذ بارے وی گل بات کی گئی.

JMC SWACHH SURVEKSHAM

صفائی نانہہ فروغ دین واسطے جموں بلدیاتی ادارہ غا کمشنر ڈاکٹر دیوانش یادو نے گندگی غا مقام چیلینج غو آکاز کیو ہے تانجے کوڑا کرٹ نانہہ غلط طریقال تین ٹھکانے لان غا مسلہ نانہہ حل کیو جے. جموں بلدیاتی ادارہ گا مختلف وارڈ مانہے صفائی غی صورتحال غو جائیزو لیتا وان ڈاکٹر یادو نے سخت کاروانی کرن واسطے کہیو تے شہریاں نانہہ ترغیب دتی کہ مانی جموں ایپ یا پورٹل غے دریوے گندگی آلہ مقامات غی اطلاع دین جس تین بعد ۴۲ گھنٹاں غے اندر صفائی کی جیں غی اس مہیم نانہہ کامیاب بنان واسطے جی ایم سی نے ۵۰ بزار روپیہ تک بھاری جرمانتو مقرر کیو ہے تانجے خلاف ورزی کرن آلان غے خلاف سخت کاروانی کی جاسکے یوہ قدم جموں مانہے صفائی غا معیار نانہہ بہتر بنان تے قومی سطح ور شیر غی رینکینگ نانہہ بلند کرن مانہے مدد گار ثابت وے غو.
